

**PLAN DE ACTUACIÓN 2018**

**ENTIDADE: FUNDACIÓN GALICIA EUROPA**

**CIF: G15140023**

**Nº DE REXISTRO:1988/1**

**EXERCICIO:2018**

**DATOS DA ENTIDADE:**

Domicilio:C/ HÓRREO 61

Localidade:SANTIAGO DE COMPOSTELA

Código postal:15701

Provincia: A Coruña

Correo electrónico: [santiago@fundaciongaliciaeuropa.eu](mailto:santiago@fundaciongaliciaeuropa.eu)

Teléfono:+34 981 54 10 12

<b>1.- ACTIVIDADES.....</b>	<b>1</b>
<b>ACTIVIDADE 1: Defensa dos intereses de Galicia ante a UE.....</b>	<b>1</b>
A )Identificación .....	1
B) Recursos humanos empregados na actividade .....	7
Tipo.....	7
C) Beneficiarios ou usuarios da actividade .....	8
D) Obxectivos e indicadores de realización da actividade.....	8
<b>ACTIVIDADE 2 : Información sobre a Unión Europea en Galicia.....</b>	<b>9</b>
A )Identificación .....	9
B) Recursos humanos empregados na actividade .....	11
Tipo.....	11
C) Beneficiarios ou usuarios da actividade .....	11
D) Obxectivos e indicadores de realización da actividade.....	11
<b>ACTIVIDADE 3 : Fomento da participación en proxectos europeos.....</b>	<b>12</b>
A )Identificación .....	12
B) Recursos humanos empregados na actividade .....	13
Tipo.....	13
C) Beneficiarios ou usuarios da actividade .....	13
D) Obxectivos e indicadores de realización da actividade.....	13
<b>ACTIVIDADE 4: Formación e sensibilización sobre a realidade europea</b>	<b>14</b>
A )Identificación .....	14
B) Recursos humanos empregados na actividade. ....	15
Tipo.....	15
C) Beneficiarios ou usuarios da actividade. ....	15
D) Obxectivos e indicadores de realización da actividade. ....	16
<b>2.- PREVISIÓN DE RECURSOS ECONÓMICOS QUE EMPLEARÁ A ENTIDADE.....</b>	<b>17</b>
<b>3.-PREVISIÓN DE RECURSOS ECONÓMICOS QUE OBTERÁ A ENTIDADE.....</b>	<b>18</b>
3.1) Previsión de ingresos que obterá a entidade.....	18
3.2) Previsión doutros recursos económicos que obterá a entidade .....	18

## 1.- ACTIVIDADES

### ACTIVIDADE 1: Defensa dos intereses de Galicia ante a UE

#### A )Identificación

Denominación da actividade	Defensa dos intereses de Galicia ante a UE
Tipo de actividade*	Accións para garantir a representación de Galicia ante a UE Actividade propia
Identificación da actividade por sectores **	Z01
Lugar de desenvolvemento da actividade	Bruxelas/Santiago

#### **Descrición detallada da actividade prevista.**

A defensa dos intereses galegos ante as institucións europeas necesita dunha sólida representación na capital comunitaria a través da cal se traballe para que a toma de decisións a nivel comunitario se leve a cabo cun maior coñecemento da nosa realidade e dos nosos intereses. Tal e como recolle o Decreto de Acción Exterior da Xunta de Galicia -aprobado en 2015- este labor de representación é desempeñada pola Fundación Galicia Europa, mediante o desenvolvemento de múltiples actividades, como:

- Seguimento das políticas europeas
- Apoio á participación da C.A. galega nas institucións e órganos comunitarios
- Organización de visitas de responsables políticos e técnicos a Bruxelas
- Organización de seminarios
- Participación en redes de cooperación interregional
- Ocasionalmente, accións de promoción de Galicia en Bruxelas desde un punto de vista cultural, turístico ou comercial

As actuacións da Fundación Galicia Europa neste ámbito para 2018 centraranse nas prioridades galegas recollidas no Plan Estratégico de Galicia 2015-2020 (PEG), así como no programa de traballo anual previsto pola Comisión Europea.

**En concreto, en 2018 centrarémonos nos seguintes campos:**

### **1. Novo Marco Financeiro Plurianual post 2020**

Tras unha serie de debates preliminares no principio do ano, a Comisión publicará a súa proposta de orzamento plurianual máis aló de 2020 a finais de maio, en liña coas orientacións que lle dea o Consello.

As novas prioridades da axenda europea (migración, defensa, control de fronteiras), unidas á anunciada saída do Reino Unido da UE (que achega o 15% do orzamento comunitario) auguran unha redución e unha redistribución deste novo orzamento que afectará principalmente aos dous terzos do gasto da UE que representan a Política Rexional e a Política Agrícola Común.

Os desafíos de Galicia nesta negociación son moitos, en especial, pola dotación da Política Rexional e por como se decida a súa distribución por países e rexións. A asignación en Galicia será indubidablemente menor que neste período porque xa non forma parte do grupo de rexións menos desenvolvidas nin abandona por primeira vez esta categoría, polo que é imprescindible participar neste debate para que a redución sexa o máis leve posible.

Galicia recibiu máis de 20.000 M€ procedentes desta política nos últimos 30 anos (2.800 M€ entre 2014 e 2020), os cales representan unha importante parte do investimento público en Galicia.

### **2. Política de Cohesión**

Tras definir unha posición dos intereses xerais de Galicia respecto ao deseño da Política de Cohesión despois de 2020, a FGE daraa a coñecer e defenderaa en diferentes foros como o Comité de Rexións ou a Conferencia de Rexións Periféricas e Marítimas (CRPM). Trátase dunha posición



aberta que se irá adaptando a como evoluciona o debate en Bruxelas. Servirá tamén para responder á consulta pública que a Comisión Europea prevé abrir en breve sobre este tema.

En 2018 a Política Rexional cumprirá 30 anos do mesmo xeito que a propia Fundación Galicia Europa, polo que nos sumaremos á campaña de comunicación co fin de resaltar en Galicia o investimento dos fondos estruturais.

### **3. Políticas comúns agrícola e pesqueira**

A Fundación traballa en estreita colaboración coas consellerías de Medio Rural e do Mar para o seguimento das políticas comúns agrícola e pesqueira e o seu impacto en Galicia. Con este obxectivo, a FGE mantén un convenio de colaboración con estas consellerías que lles permite dispoñer dunha asesora técnica especializada nestas materias na súa oficina de Bruxelas. En 2018, prestarase especial atención ao impacto en agricultura e pesca da proposta da Comisión sobre o MFP e, en particular, ás propostas normativas da PAC e da PPC post-2020.

No Comité das Rexións, Galicia é membro da comisión de traballo que trata estas cuestións: a Comisión de Recursos Naturais. En 2018, o presidente da Xunta de Galicia, en tanto que membro deste organismo consultivo da UE, liderará un ditame sobre o futuro do Fondo Europeo e Marítimo Pesqueiro.

### **4. BREXIT**

Ademais, en 2018 a FGE seguirá prestando unha especial atención ás negociacións para a saída do Reino Unido da UE, tras o importante labor desempeñado en 2017. Nese ano a Fundación liderou a creación e coordinou o grupo de traballo sobre Brexit da Comisión Arco Atlántico da CRPM, ademais de desenvolver un apartado específico sobre a saída de Reino Unido na súa web.

En 2018 seguiremos liderando este grupo de traballo de rexións atlánticas e daremos un paso máis na información trasladada a Galicia sobre esta cuestión. Por mor das

suxestións da reunión do padroado de xuño de 2017, establecerase en 2018 o Foro Galego do Brexit, un instrumento de acceso público cuxo obxectivo é recompilar e difundir información relevante para aquelas institucións, sectores empresariais e cidadáns galegos que poidan verse afectados polas repercusións do Brexit nas súas actividades laborais ou persoais.

Para tal propósito, estamos a traballar nun sitio web no que se concentre a información sobre o avance das negociacións e foméntese o debate en liña. Paralelamente, prevese a realización dun ciclo de conferencias que posibilite o intercambio de información e opinións entre os principais actores económicos e sociais de Galicia.

#### **5. Desafíos demográficos**

En 2018 a FGE continuará impulsando os traballos da rede de rexións polo cambio demográfico (*Demographic Change Regions Network*), co obxectivo de chamar a atención da UE sobre os problemas demográficos que afectan a Galicia e a outras rexións europeas. En especial, reclamará unha atención particular a estes problemas á hora de debater sobre o teito de gasto da UE, sobre o futuro da política rexional (tal e como se reflicte no documento de posición da FGE) e da política de desenvolvemento rural a partir de 2020.

#### **6. Inclusión do Noroeste peninsular no Corredor atlántico**

En 2018 a Comisión Europea publicará unha proposta para estender o Mecanismo Conectar Europa (MCE) -programa que financia a Rede Transeuropea de Transporte (RTE-T)- máis aló de 2020. Desde 2017, a Fundación traballa coa Dirección Xeral de Mobilidade para que, no marco desta proposta, se modifique o Corredor Atlántico para incluír a conexión ferroviaria Palencia- Ourense-Vigo-Coruña, pois é un trazado xa incluído na rede básica da RTE-T e mesmo no actual Regulamento do MCE, pero sen formar parte do Corredor Atlántico. Dado que o financiamento do MCE concentrouse ata agora nun 95% en proxectos dos corredores, reivindicamos ante o Ministerio de Fomento e

ante a propia Comisión Europea que o Corredor Atlántico se modifique desta maneira.

A máis longo prazo, Galicia, Asturias e Castela e León uníronse para demandar que unha conexión ferroviaria de mercadorías Coruña-Ferrol-Xixón-Avilés inclúase na revisión das RTE-T en 2023.

### **7. I+D+i**

A Fundación está a colaborar coa Axencia Galega de Innovación (GAIN) desde hai un ano para impulsar a participación galega no programa de financiamento comunitario nesta materia, coñecido como Horizonte 2020, e para promocionar o desenvolvemento de proxectos de innovación industrial con outras rexións a través da chamada Vanguard Initiative. Con este obxectivo, renovouse o acordo de colaboración anual para a convocatoria dunha bolsa especializada nestas cuestións con destino na oficina de Bruxelas.

### **8. Outras prioridades da UE para 2018**

Baixo o título “Para unha Europa máis unida, máis forte e máis democrática”, a Comisión Europea conta cun programa de traballo para 2018 que comprende 26 iniciativas distribuídas entre as dez prioridades políticas fixadas para os anos 2015 a 2019. De entre elas, faremos un especial seguimento de:

- O proxecto para a culminación da Unión Económica e Monetaria, coa posible creación dun posto de ministro europeo permanente e responsable de Economía e Finanzas.
- A continuación dos traballos ao redor da Axenda Europea de Migración, dado que, no Comité das Rexións, o representante galego é un dos coordinadores políticos da comisión que trata estes temas (CIVEX).
- A execución do plan de acción ao redor da Economía Circular, en liña coas estratexias galegas de sustentabilidade ambiental e cambio climático que está a elaborar a Xunta de Galicia.

**Respecto das canles que empregamos para defender os intereses galegos no proceso comunitario de decisións, destacamos en 2018 :**

### **1. Comité das Rexións**

O labor da FGE para asegurar unha participación activa no Comité das Rexións (CdR) continuará durante o próximo ano. A partir dun diálogo directo cos cidadáns, os representantes galegos no CdR contribuirán, ademais, ao debate actual sobre o presente e futuro da UE no marco da iniciativa “Reflexionar sobre Europa”, que promove o diálogo co cidadán co fin de obter a súa visión sobre as prioridades nas que se debería concentrar a Unión Europea. Tras tres diálogos cidadáns celebrados en Galicia este ano no marco desta iniciativa, a FGE valorará a posibilidade de organizar outros en 2018.

Doutra banda, o membro titular galego no CdR, o presidente Alberto Nuñez Feijoo, será o responsable en 2018 de elaborar o ditame que reflicta a opinión das rexións e municipios europeos sobre o Futuro do Fondo Europeo Marítimo e de Pesca máis aló do 2020, de modo previo á proposta que a Comisión Europea publique.

### **2. Redes de cooperación rexional europea**

O seguimento e apoio á participación galega en redes de cooperación rexional europea é un dos instrumentos de traballo utilizados pola FGE á hora de axuntar sinerxias con outros territorios da Unión en defensa de intereses comúns. Galicia participa en varias redes de cooperación tanto de dimensión territorial, como a Conferencia de Rexións Periféricas e Marítimas (CRPM) e a Asociación de Rexións Fronteirizas de Europa (ARFE), como sectorial, no campo da I+D+i (ERRIN), o turismo (NECSTOUR) ou a innovación industrial (Vanguard Initiative). A FGE presta apoio aos distintos departamentos da Xunta de Galicia para sacar o máximo proveito a estas redes, tanto na defensa duns intereses comúns ante a UE, como para a posta en marcha de proxectos europeos por mor dos contactos feitos nelas.



No caso particular da CRPM, continuarase co traballo iniciado durante o 2017 que nos levou a colaborar activamente en ámbitos como o futuro da UE, a revisión intermedia do Mecanismo Conectar Europa, o futuro da Política Rexional ou a Estratexia Atlántica. É particularmente destacable o liderado exercido por Galicia nesta rede, a través da coordinación do grupo de traballo da Comisión Arco Atlántico relativo ao Brexit.

### 3. Presenza de Galicia en Bruxelas

A Fundación presta apoio a aquelas entidades galegas públicas ou privadas que queren achegarse a Bruxelas para participar de modo efectivo no proceso de decisión comunitaria e nos programas europeos. Con este obxectivo pon á súa disposición o coñecemento da Fundación Galicia Europa sobre o funcionamento das institucións comunitarias e o seu proceso decisorio, e facilítalles, no seu caso, un espazo común de traballo. A oficina da FGE en Bruxelas quere ser un escaparate único de Galicia na capital europea e axuntar os esforzos dos diferentes sectores en beneficio do desenvolvemento de Galicia. É o caso actualmente de CONXEMAR e FEUGA, que alugan o seu espazo de oficina na propia sede da Fundación en Bruxelas.

O importe desta actividade asignado para 2018 distribuirase principalmente entre gastos de organización e participación en reunións e conferencias en Bruxelas, ademais da organización de visitas institucionais a Bruxelas.

## B) Recursos humanos empregados na actividade

Tipo	Número	Nº horas / ano
	Previsto	Previsto
Persoal asalariado	5	3.218
Bolseiros en prácticas	7	5.113
Persoal con contrato de servizos		
Persoal voluntario		

**C) Beneficiarios ou usuarios da actividade**

Tipo	Número
	Previsto
Persoas físicas -directas	900
Persoas físicas - indirectas	5000
Persoas xurídicas	32
Proxectos sen cuantificar beneficiarios	

**D) Obxectivos e indicadores de realización da actividade**

Obxectivo	Indicador	Cuantificación
DEFENSA DOS INTERESES DE GALICIA ANTE A UE	Reunións do Comité das Rexións, reunións na Comisión Europea, reunións do Consello con participación galega, visitas institucionais, foros organizados pola Fundación, actividades culturais de Galicia en Bruxelas, reunións e foros con participación galega	200

## ACTIVIDADE 2 : Información sobre a Unión Europea en Galicia

### A )Identificación

Denominación da actividade	Información sobre a UE en Galicia
Tipo de actividade*	Información. Actividade propia
Identificación da actividade por sectores **	Z01
Lugar de desenvolvemento da actividade	Santiago / Bruxelas

### Descrición detallada da actividade prevista.

A información é un dos eixos centrais do labor desenvolvido pola Fundación Galicia Europa pois constitúe un requisito indispensable para poder defender os intereses galegos e para facilitar a participación das entidades galegas en programas de financiamento comunitario.

A información canalízase a través de publicacións, contactos directos cos departamentos da Xunta de Galicia, e principalmente, a través do **portal web** ([www.fundaciongaliciaeuropa.eu](http://www.fundaciongaliciaeuropa.eu)) e das súas redes sociais, que constitúen o medio máis eficaz para a transmisión de información ao gran público e a sectores especializados (funcionarios, empresas, entidades locais, etc.). A FGE colabora, ademais, mensualmente con ECO - Revista do Eixo Atlántico, elaborando artigos para explicar a actualidade comunitaria en Galicia.

En 2018, queremos prestar unha **atención particular aos membros do padroado**, facéndolles partícipes dos informes elaborados pola FGE, polo que faremos un envío mensual con todos eles.

Así mesmo, a FGE responde a consultas **puntuais** sobre a UE que poden agruparse en dous grandes apartados: o financiamento comunitario e as posibilidades de emprego e prácticas nas institucións comunitarias.



En 2018, continuarase co **boletín electrónico quincenal** que recolle noticias de actualidade comunitaria e da participación galega nos asuntos europeos, así como anuncios de convocatorias e de procuras de socios para participar en proxectos europeos. As negociacións sobre o futuro marco financeiro plurianual a partir de 2020, o debate sobre o deseño das políticas comunitarias a partir de 2020, as negociacións para a saída do Reino Unido da UE e as 26 iniciativas anunciadas pola Comisión Europea no seu programa de traballo para 2018, centrarán, sen dúbida, o labor divulgativo da FGE o próximo ano.

Neste sentido, a gran novidade é a creación dunha web propia para o **Foro Galego do Brexit**. Esta web recollerá o contido xa publicado, ordenándoo a través das seguintes seccións:

1. Actualidade (Noticias BREXIT): seguimento do avance das negociacións a través de noticias, notas de prensa propias e cronoloxía das fases da negociación.
2. Documentos de interese: documentos de posición, documentos de negociación e estudos relacionados co BREXIT.
3. Foro de opinión: a FGE creará unha etiqueta en Twitter que axude a difundir os novos elementos que se publiquen na web do Foro e animar así o debate nesta rede social.

Doutra banda, seguirase actualizando o apartado de “**Financiamento comunitario**” do sitio web como complemento á “Guía de Financiamento Comunitario 2014-2020” publicada en papel, así como a “Guía de saídas laborais na UE e outras organizacións internacionais” que, tras cinco edicións en papel, está dispoñible *en liña* , o que permite unha actualización máis constante das oportunidades de emprego e prácticas.

A contía asignada a este obxectivo destinarase ao mantemento da páxina web e ás tarefas de información europea para a mocidade.

**B) Recursos humanos empregados na actividade**

Tipo	Número	Nº horas / ano
	Previsto	Previsto
Persoal asalariado	3	585
Bolseiros en prácticas	7	2.556
Persoal oficina información europea para a mocidade	1	488
Persoal con contrato de servizos		
Persoal voluntario		

**C) Beneficiarios ou usuarios da actividade**

Tipo	Número
	Previsto
Persoas físicas - directas	5.500
Persoas físicas - indirectas	20.000
Persoas xurídicas	
Proxectos sen cuantificar beneficiarios	

**D) Obxectivos e indicadores de realización da actividade**

Obxectivo	Indicador	Cuantificación
INFORMACIÓN SOBRE A UE EN GALICIA	Portal web, boletín, colaboracións con revistas, oficina de información europea para a mocidade	400

### ACTIVIDADE 3 : Fomento da participación en proxectos europeos

#### A )Identificación

Denominación da actividade	Fomento da participación en proxectos europeos
Tipo de actividade*	Promoción da participación das entidades galegas en proxectos europeos. Actividade propia
Identificación da actividade por sectores **	Z01
Lugar de desenvolvemento da actividade	Santiago/Bruxelas

#### Descrición detallada da actividade prevista

A FGE quere seguir prestando apoio a todas as entidades galegas con intereses no financiamento comunitario. Ademais da **información ofrecida no portal Web e na Guía de Financiamento Comunitario 2014-2020**, a FGE está aberta a colaborar con outras entidades para organizar todo tipo de actos relacionados co chamado “labirinto do financiamento comunitario” e responder as consultas puntuais que se lle expoñan.

En canto ao **programa de especialización en financiamento comunitario TecEuropa**, as cinco edicións organizadas ata o momento reuniron a un centenar de participantes, dos que o 40% procede da Xunta e o resto repártese entre concellos (12), deputacións (10), universidades (10), entidades sociais (9), centros de I+D+i (6, asociacións transfronteirizas (6), asociacións empresariais (3) e Cámaras de Comercio (2). A avaliación do programa é moi positiva pola visión xeral ofrecida do financiamento comunitario e o contacto que permite establecer entre persoas de entidades diversas en Galicia que desenvolven proxectos europeos ou xestionan fondos comunitarios.

O obxectivo para 2018 é afianzar esta rede de contactos mediante a organización de máis encontros en Galicia, tras o primeiro celebrado

no 14 de decembro de 2017, así como organizar novas edicións do programa con novos participantes.

TecEuropa trata de mellorar as capacidades de profesionais de entidades galegas públicas e privadas para participar en proxectos de dimensión europea. Mellorar as súas capacidades e coñecementos, e facilitar os contactos entre eles permitirá deseñar mellores proxectos, aproveitar as experiencias duns e outros en beneficio de todos e, en suma, conseguir un maior impacto dos fondos europeos na nosa comunidade.

## B) Recursos humanos empregados na actividade

Tipo	Número	Nº horas / ano
	Previsto	Previsto
Persoal asalariado	3	1.365
Bolseiros en prácticas	7	2.556
Persoal oficina información europea para a mocidade	1	975
Persoal voluntario		

## C) Beneficiarios ou usuarios da actividade

Tipo	Número
	Previsto
Persoas físicas	300
Persoas xurídicas	50
Proxectos sen cuantificar beneficiarios	

## D) Obxectivos e indicadores de realización da actividade

Obxectivo	Indicador	Cuantificación
PROMOCION DA PARTICIPACIÓN GALEGA EN PROXECTOS EUROPEOS	Asesoramento nas posibilidades de financiamento, asesoramento nas procuras de socios, cesión de salas, cursos de financiamento comunitario, apoio na xestión de proxectos	100

## ACTIVIDADE 4: Formación e sensibilización sobre a realidade europea

### A )Identificación

Denominación da actividade	Formación e sensibilización sobre a realidade europea
Tipo de actividade*	Formación. Actividade propia
Identificación da actividade por sectores **	Z01
Lugar de desenvolvemento da actividade	Santiago/Bruxelas

### Descrición detallada da actividade prevista.

A maior parte dos recursos asignados a este obxectivo destínanse a financiar as 6 **bolsas de formación** para mozos galegos nas oficinas da FGE de Santiago e Bruxelas. En 2018, do mesmo xeito que en 2016, súmase a estas seis bolsas unha específica de formación en Bruxelas no ámbito da I+D+i. O obxectivo deste programa propio de bolsas é formar a profesionais que poidan integrarse no mercado laboral cuns coñecementos e capacidades específicos do funcionamento e políticas da UE. Paralelamente, a oficina da FGE en Santiago acolle a estudantes en prácticas das universidades galegas ao longo do ano, que tamén se benefician desta formación en asuntos comunitarios.

No tocante á sensibilización sobre realidade europea, en 2018 impulsaremos o **debate en Galicia sobre o futuro da UE** para tratar de sensibilizar aos cidadáns galegos sobre o proxecto de construción europea. Nestes tempos de euroescepticismo que estamos a vivir, marcados por un feito tan preocupante como a saída do Reino Unido da UE (Brexit), queremos que Galicia contribúa a consolidar o proxecto de integración europea para que se converta nun referente de estabilidade e prosperidade nun mundo global cheo de incertezas políticas. Enfrontámonos agora na escena europea, non só aos debates sobre o futuro das políticas europeas, os problemas migratorios ou aqueles derivados do cambio climático, senón tamén, e sobre todo, ao



debate sobre o futuro da propia Unión Europea. Por iso, planeamos a organización de “diálogos europeos cos cidadáns” en Galicia, foros de participación cidadá que a Unión Europea impulsa desde Bruxelas pero para os que quere contar coa plena implicación das autoridades locais e rexionais, como administracións máis próximas ao cidadán.

Paralelamente, prevese a realización dun ciclo de conferencias sobre as negociacións do **BREXIT**, que posibilite o intercambio de información e opinións entre os principais actores económicos e sociais de Galicia.

Doutra banda, a FGE seguirá en 2018 participando e colaborando en diversos foros relacionados coas **posibilidades de emprego e prácticas na UE**. Así mesmo, seguirá colaborando coas oficinas de información europea en Galicia (*Entreprise Europe Network* e *Europe Direct*) para apoiarse na difusión das súas actividades, coordinarse para ofrecer contidos específicos a distintos públicos en Galicia e, eventualmente, organizar actividades conxuntas que teñan un maior impacto en Galicia.

## B) Recursos humanos empregados na actividade.

Tipo	Número	Nº horas / ano
	Previsto	Previsto
Persoal asalariado	5	2.633
Bolseiros en prácticas	7	2.556
Persoal oficina información europea para a mocidade	1	488
Persoal voluntario		

## C) Beneficiarios ou usuarios da actividade.

Tipo	Número
	Previsto
Persoas físicas – directas	600
Persoas físicas - indirectas	
Persoas xurídicas	50
Proxectos sen cuantificar beneficiarios	

**D) Obxectivos e indicadores de realización da actividade.**

<b>Obxectivo</b>	<b>Indicador</b>	<b>Cuantificación</b>
FORMACIÓN E SENSIBILIZACIÓN SOBRE EUROPA EN GALICIA	Bolsas, cursos, seminarios e xornadas	30

## 2.- PREVISIÓN DE RECURSOS ECONÓMICOS QUE EMPLEARÁ A ENTIDADE

GASTOS/INVERSIÓNS	DEFENSA INTERESES GALICIA EN BRUXELAS	INFO SOBRE A UE EN GALICIA	PROMOCION DA PARTICIPACION EN PROXECTOS EUROPEOS	FORMACIÓN E SENSIBILIZACIÓN SOBRE EUROPA EN GALICIA	TOTAL ACTIVIDADES	Non imputados a actividades	TOTAL
Gastos por axudas e outros	- €	- €	- €	- €		- €	
a) Axudas monetarias	- €	- €	- €	118.657,28 €	118.657,28 €	- €	118.657,28 €
b) Axudas non monetarias	- €	- €	- €	- €	- €	- €	- €
c) Gastos por colaboracións e órganos de goberno	- €	- €	- €	1.500,00 €	1.500,00 €	- €	1.500,00 €
Variacións de Existencias de produtos terminados e en curso de fabricación	- €	- €	- €	- €	- €	- €	- €
Aprovisionamentos	444,02 €	222,01 €	6.000,00 €	222,01 €	6.888,04 €	4.222,01 €	11.110,05 €
Gastos de persoal	120.528,98 €	15.805,19 €	21.586,41 €	89.279,56 €	247.200,14 €	117.784,08 €	364.984,22 €
Outros gastos de Explotación	58.392,61 €	20.557,39 €	102.197,54 €	35.990,25 €	217.137,78 €	70.045,27 €	287.183,05 €
Amortización do inmovilizado	39.762,00 €	3.491,00 €	3.491,00 €	3.349,00 €	50.093,00 €	16.887,00 €	66.980,00 €
Deterioro e resultado por enaxenación de inmovilizado	- €	- €	- €	- €	- €	- €	- €
Gastos financeiros	- €	- €	- €	- €	- €	- €	- €
Variacións de valor razoable en instrumentos financeiros	- €	- €	- €	- €	- €	- €	- €
Deterioración y resultado por enaxenación de instrumentos financeiros	- €	- €	- €	- €	- €	- €	- €
Impostos sobre beneficios	- €	- €	- €	- €	- €	- €	- €
<b>Subtotal</b>	<b>219.127,61 €</b>	<b>40.075,60 €</b>	<b>133.274,94 €</b>	<b>248.998,09 €</b>	<b>641.476,24 €</b>	<b>208.938,36 €</b>	<b>850.414,60 €</b>
Inversións (excepto bens patrimonio histórico)	- €	- €	- €	- €	- €	5.000,00 €	5.000,00 €
Adquisicións bens patrimonio histórico	- €	- €	- €	- €	- €	- €	- €
Cancelación débeda non comercial	- €	- €	- €	- €	- €	- €	- €
Diminución de subvencións	- €	- €	- €	- €	- €	- €	- €
Diminución de débedas	- €	- €	- €	- €	- €	- €	- €
Aumento de debedores comerciais e outras contas a cobrar	- €	- €	- €	- €	- €	- €	- €
Aumento de periodificacións a curto prazo	- €	- €	- €	- €	- €	- €	- €
Aumento de tesourería	- €	- €	- €	- €	- €	- €	- €
Subtotal recursos	- €	- €	- €	- €	- €	5.000,00 €	5.000,00 €
<b>TOTAL</b>	<b>219.127,61 €</b>	<b>40.075,60 €</b>	<b>133.274,94 €</b>	<b>248.998,09 €</b>	<b>641.476,24 €</b>	<b>213.938,36 €</b>	<b>855.414,60 €</b>

### 3.-PREVISIÓN DE RECURSOS ECONÓMICOS QUE OBTERÁ A ENTIDADE

#### 3.1) Previsión de ingresos que obterá a entidade

INGRESOS	Importe total
<b>Rendas e outros ingresos derivados do patrimonio</b>	
<b>Vendas e prestacións de servizos das actividades propias</b>	<b>65.040,00</b>
D. Xeral de Mocidade	42.500,00
Axencia Galega de Innovación	17.540,00
Consellería do Mar	5.000,00
<b>Ingresos comúns das actividades mercantís</b>	<b>35.440,26</b>
Aluguer oficina	35.440,26
<b>Subvencións do sector público</b>	<b>714.434,34</b>
Xunta de Galicia	590.417,00
Axencia Galega de Innovación	15.000,00
Consortio Zona Franca de Vigo	18.000,00
Deputación da Coruña	15.000,00
Deputación de Lugo	15.000,00
FEDER Lidera	33.975,32
FEDER Eurocidade	27.042,02
<b>Achegas privadas</b>	<b>40.000,00</b>
ABANCA	40.000,00
<b>Outros tipos de ingresos</b>	<b>500,00</b>
<b>TOTAL INGRESOS PREVISTOS</b>	<b>855.414,60</b>

#### 3.2) Previsión doutros recursos económicos que obterá a entidade

OUTROS RECURSOS	Importe total
Débedas contraídas	
Outros deberes financeiros asumidos	
<b>TOTAL OUTROS RECURSOS PREVISTOS</b>	